


清會典 八十八

禮部三十二



漢書
九〇八號

漢書門			
九〇七	二	一	一六〇
號	函	架	冊

內閣文庫		
漢書	九〇八	五九
類	號	函
冊	架	冊

內閣文庫		
番號	漢	908
冊數	160	(54)
函號	295	10



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak 2007 TM, Kodak



清會典卷之八十八

禮部祠祭司

皇帝躬祭

昭陵

康熙十年八月。

聖祖仁皇帝恭謁

福陵

昭陵前期一日。

聖祖仁皇帝躬詣

太廟行告祭禮。次日。

駕發。設行幸儀仗。不作樂。

午門鳴鐘。不隨。

駕王以下文武各官。俱常服。於

午門外分翼齊集跪送。王以下大臣出城恭送。隨
駕王以下宗室覺羅官。及各部院官。扈從官軍及各執
事人員。由各該衙門具題派出。

駕過地方。文武各官。俱常服。於路右百步外跪接。次日
駕行。亦跪道右候過。其迎送各官。由鴻臚寺題請朝見。
至

陵。鴻臚寺預行題請。令守
陵官。及

盛京文武各官。俱常服。跪於路右接

駕。至之日。恭謁

福陵。行禮。舉哀。次。恭謁

昭陵。行禮。舉哀。禮畢。

駕回行宮。○次日。

聖祖仁皇帝恭詣

福陵

昭陵隆恩殿大祭。○又次日。

聖祖仁皇帝又恭詣

福陵

昭陵隆恩殿前致祭。祭畢。鴻臚寺題請。令守陵官員及

盛京文武各官。在

行宮前排立。行三跪九叩頭禮。畢。又令守

陵官員。

盛京官員。併老疾休致候補官員。俱朝服。在

大清門兩旁分翼齊集。其行幸儀仗。列於

大清門前。

聖祖仁皇帝御門陞座。作樂。

賜宴。頒賞畢。各官俱行三跪九叩頭禮。次。

頒賞守

陵兵丁

盛京兵丁及老疾辭退兵丁等。畢。

駕回行宮。遣王及內大臣前往

永陵。照常致祭。其祭

福陵

昭陵時。

諸妃照常供獻。穎親王。克勤郡王。功臣費英東。額亦都。揚古利。圖爾格墳。各遣大臣奠酒。

駕回京時。率王以下各官恭詣

福陵

昭陵行禮告辭。是日不開正三門。

聖祖仁皇帝進旁門下馬。諸王於旁門外下馬。各官於紅木前下馬。

駕發。設儀仗。作樂。經過地方官員。俱朝服。照常跪接。駕往。及返。俱詣

孝陵奠酒。進京日。恭詣

太廟告祭。祭畢。還宮。

午門鳴鐘。不隨行王以下文武官員。俱朝服。在午門外跪接。候

駕還宮。各退。○次日。王以下文武各官。行進表慶賀禮。

○二十一年二月。

聖祖仁皇帝躬詣

永陵

福陵

昭陵致祭。凡隨

駕王以下文武各官。及兵丁。俱由各該衙門具題派出。駕行前一日。告祭

奉先殿。往返。經由州縣官員迎接。如常儀。至

盛京。守

陵官員。及

大清會典 卷八十八 禮部 四
盛京官員迎接。如常儀。其初到恭謁

福陵

昭陵。並雙日大祭。單日致祭禮儀。及

賜宴頒賞。俱照康熙十年例行。

太妃

貴妃前。

聖祖仁皇帝親詣奠酒。

淑妃以下。遣王奠酒。

穎親王。克勤郡王。功臣費英東。額亦都揚古利。圖爾格墳。遣大

臣讀文致祭。貝勒以下。奉國將軍以上。一品官墳。遣官奠酒。東京達爾漢巴圖魯親王。卓立克

圖貝勒墳。亦遣大臣奠酒。致祭

福陵

昭陵。禮畢。

聖祖仁皇帝恭詣

永陵。親王以下。一等待衛。三品以上。隨

駕至

陵。恭謁行禮。俱素服。是日。

盛京禮部官預陳設祭物。恭請

神位。奉安

寶座。扈從禮部堂官恭導

聖祖仁皇帝由左門入。至臺階下。就拜位立。行謁見禮。

其次日致祭禮儀與

福陵

昭陵同。

永陵內武功郡王恪恭貝勒墳。遣大臣於殿外兩旁陳設致祭。

永陵居住官員兵丁。頒賞有差。畢。詣吳喇地方。遙望長白山致祭。率諸王大臣官員行禮。畢。

駕至盛京。詣

福陵

昭陵奠酒。

駕往及返。俱詣

孝陵奠酒。

駕回宮日。

午門鳴鐘。不隨行王以下文武各官。俱朝服。在午門跪接。是日。告祭。

奉先殿。其王以下文武各官進表行禮。奉

旨停止。○九年八月。

聖祖仁皇帝奉

聖祖母孝莊文皇后

聖母孝惠章皇后。率

孝誠仁皇后。詣

孝陵先期。欽天監擇吉日。禮部具題。內閣撰告祭文及祭

陵文。太常寺辦告祭應用等物。宗人府題請扈從王以下宗室覺羅等官。各部院題請扈從堂官。科道各派官一員。各部院酌派司屬官員。兵部題請扈從官兵額數。鑾儀衛備應用隨行儀仗。戶部給扈從官軍行糧。工部修理橋路。光祿寺預辦御膳供具。教坊司設大樂。

駕行前一日。

聖祖仁皇帝躬詣

太廟。行告祭禮。不設鹵簿大駕。啓行日。設行幸儀仗。不

作樂。

午門鳴鐘。其在京不隨

駕王以下文武各官。俱便服。在

午門外分翼齊集。跪送時

孝莊文皇后

孝惠章皇后

孝誠仁皇后。俱由

午門出東長安門。

駕經通州三河薊州。其地方文武官員。俱於道右百步

外跪接次日

駕發仍跪道右候過其迎送各官禮部奏請朝見將至孝陵守

陵官員不值班次者俱至興隆口外道右跪接至日

孝莊文皇后

孝惠章皇后

孝誠仁皇后率公主等於

駕前先行進

昌瑞山紅門

孝莊文皇后駕入

隆恩門至明樓臺階前降輦

孝惠章皇后駕入

隆恩門至

隆恩殿臺基東南降輦

聖祖仁皇帝至下馬牌降輦

孝誠仁皇后駕入

隆恩門臺階下燎爐處降輦公主等至

隆恩門臺階下下馬扈從婦女至三洞橋迤南下馬

王以下各官俱在五洞橋迤北下馬恭謁行禮

舉哀畢各退○次日

隆恩殿大祭。○又次日。在
寶城前致祭。

孝莊文皇后

孝惠章皇后

孝誠仁皇后率公主等先行。王以下各官俱隨行禮。畢。

聖祖仁皇帝御行宮。守

陵官員行謁見禮。

駕發。回京。照前排設儀仗。作樂。經過地方官員俱朝服。

跪接。回京日。

親詣

太廟告祭。祭畢。還宮。

午門鳴鐘。不隨

駕王以下文武各官俱朝服。在

午門外齊集。跪迎。

駕過。各退。越二日。

聖祖仁皇帝御太和殿。設鹵簿大駕。王以下文武各官

俱朝服。行進表慶賀禮。○六十年。

聖祖仁皇帝以寶曆甲子一週。祭告

孝陵。至日。謁

暫安奉殿。

孝陵。

孝東陵。○次日致祭。行禮如常儀。○雍正二年清明節。上躬詣

景陵致祭。至日先謁

暫安奉殿。奠酒。舉哀。以次恭謁

孝陵。

孝東陵。行禮。舉哀。畢。恭謁

景陵。至

寶城前。行禮。奠酒。哀泣不止。傳

諭。凡屬

聖祖仁皇帝諸皇子皇孫及親近大臣官員俱得至明

樓前舉哀。

上慟哭伏地。近侍大臣敦請再四。乃出。是日。

諭。明日登

寶城上土人等。皆夙沐浴。○清明日。行上土禮。

上親著黃布護履。

躬荷土擔。入明樓。由磴道升天橋。膝行至

寶頂中間。跪上土畢。匍匐退行。盡誠致敬。次大臣十二

人。俱著黃布護履。荷土擔。跪上畢。退。

上詣

隆恩殿行大祭禮。畢。由

隆恩殿左陛降。卽慟哭入

陵寢門。至

寶城前。伏地哀泣。王大臣等敦勸良久。

上方出。至

隆恩門外。猶瞻望移時。然後

回鑾。○三年十一月十三日。

聖祖仁皇帝三週屆期。

上率

皇后

妃嬪等恭詣

景陵。行致祭禮。至日。先謁

暫安奉殿。

孝陵。

孝東陵。行禮奠酒。舉哀。畢。恭謁

景陵。未至

碑亭。卽降輦。步入

隆恩門。至

寶城前。行禮致奠。哀慟不能已。是日。

賜

四陵文武大臣官員緞匹。執事兵丁銀兩。及從祭外藩

諸王台吉等衣服緞匹有差。○次日。行三週大

祭禮。○是日。以議准卽

暫安奉殿爲

昭西陵。擇吉奉移

孝莊文皇后梓宮安奉

地宮。

上率

皇后

如嬪詣

昭西陵。行前期告祭禮。畢。

乘輿還京。

皇帝謁

陵儀

駕至

陵日。

皇帝御素服。親王以下。三等待衛。文武三品以上及

內廷官員。俱素服。隨

駕至各下馬處下馬。

下馬處
詳後注。

禮部堂官二員。恭導

皇帝至大門前止。

皇帝由大門之東門入。

享殿東楹扇中位立。行三跪九叩頭禮。與不贊。王以下各官在大門外兩旁分翼隨行禮。與。

皇帝東立。西向。舉哀。王以下各官在大門外分翼相對序立。舉哀。恭設奠几。

皇帝就位立。跪。奠酒三爵。每奠一叩頭。眾皆隨叩。奠畢。退。

永陵。奠酒十二爵。每奠一叩頭。○

福陵。皇帝至柵欄門降輦。內外王等至紅木處下馬。貝勒以下各官未到紅木下馬。○

昭陵。皇帝由紅門龍門入。至臺階降輦。內外王等在紅門外下馬。貝勒以下各官在下馬牌處下馬。○

昭西陵。皇帝進紅門。至碑亭降輦。王等在牌樓前下馬。貝勒以下各官在下馬牌處下馬。○

孝陵。
景陵。與
昭陵同。

皇后謁

陵儀

皇后率

妃嬪。俱素服。至

隆恩門降輦。

妃等俱隨下輿入

隆恩門東門。經

享殿東。入

陵寢門東門。至明樓前。

皇后行三跪九叩頭禮。興。

妃等俱隨行禮。興。東立。西向。舉哀。俟設奠几畢。

皇后就中位立。奠爵三。每奠一叩頭。

妃等俱隨行禮。畢。退。

妃嬪謁

陵。在明樓前東旁奠酒。餘俱同。

皇帝躬祭

陵寢儀

皇帝謁

陵之次日。

隆恩殿大祭。守

陵官預備祭物。恭請

神位。奉安各

寶座。王以下各官。俱素服。至

殿下兩旁分翼排立。禮部奏請

皇帝御素服。內大臣二等侍衛以上亦素服。隨後。

皇帝至下馬牌降輦。禮部堂官二員前引。至

隆恩門贊引官對引官恭導

皇帝入

隆恩殿左門東立西向鴻臚寺官引王等東西臺階上兩旁排立各官臺階下兩旁排立贊引官恭導

皇帝至拜位前立典儀唱執事官各司其事贊引官奏就位

皇帝詣拜位立王以下各官各就位立贊引官恭導皇帝詣香案前立司香官捧香盒跪進於皇帝右贊引官奏跪

皇帝跪奏上香

皇帝舉炷香上爐內又上瓣香三贊引官奏旋位

皇帝旋位立贊引官奏跪叩興

皇帝行三跪九叩頭禮興王以下各官俱隨行禮興典儀唱奠帛行初獻禮贊引官恭導

皇帝詣帛案前立捧帛官跪進於

皇帝左贊引官奏跪

皇帝跪奏獻帛

皇帝受帛拱舉獻於案上行三叩頭禮興不贊贊引官恭導

皇帝詣爵案前立。執爵官跪進於
皇帝左。贊引官奏獻爵。

皇帝立受爵。以次恭獻。畢。贊引官奏旋位。

皇帝旋位立。讀祝官詣祝案前。一跪三叩頭。捧祝文
跪於左。祇俟。贊引官奏跪。

皇帝跪。王以下各官俱跪。贊讀祝。讀祝官跪讀畢。與
捧祝文安設案前。帛匣上。一跪三叩頭。退。贊引
官奏叩。興。

皇帝行三叩頭禮。王以下各官俱隨行禮。興。典儀唱
行亞獻禮。獻爵官依次捧爵立獻。退。典儀唱行

終獻禮。獻爵官進爵。如亞獻儀。畢。贊引官奏跪。
叩。興。

皇帝行三跪九叩頭禮。王以下各官俱隨行禮。典儀
唱捧祝。帛。恭詣燎爐。贊引官恭導。

皇帝轉立拜位東旁。捧祝官捧帛官各一跪三叩頭。
捧祝在前。帛在後。恭送燎爐。

皇帝還位立。王以下各官俱至兩旁排立。候祝。帛過。
俱復位立。祝。帛。焚半。贊引官奏禮畢。俱退。○次
日。在

寶城前致祭。禮部官設黃幄。陳祭品。王以下各官在

隆恩殿院內分翼排立。禮部堂官二員恭導。

皇帝詣拜位立。讀祝官至案前。一跪三叩頭。捧祝文跪於讀祝處。

皇帝跪。王以下各官俱跪。讀祝官讀畢。興。捧祝文至案上。一跪三叩頭。退。

皇帝跪。奠酒三爵。每奠一叩頭。王以下各官亦隨叩頭。奠畢。

皇帝興。東立。西向。舉哀畢。徹祭品。讀祝官進前。一跪三叩頭。捧祭文前行。

皇帝隨後。王以下各官先出。

隆恩門外。兩旁跪。候

駕過。隨後行。至燎所。焚祭文。

皇帝跪。奠酒三爵。每奠一叩頭。興。王以下各官俱隨叩頭。興。視燎奠爵。或派大臣行禮。禮畢。退。

聖祖仁皇帝三週年忌辰

景陵大祭日

皇帝

皇后行禮儀

先期。設奠案於

享殿月臺之正中。設祭品案於月臺之兩旁。設祭文

案於

殿廊下之西檐。禮部堂官敬捧祝文。由

隆恩門中門入。安奉西檐案上。諸王大臣侍衛等於

隆恩門外按翼排立。文武官員於三橋按翼排立。守

陵官員命婦預入

陵寢門內西牆排立。執事人等妻。在命婦後排立。祭前。

皇后

妃嬪等自

行宮至

隆恩門外西備城內俟。

上至

隆恩門外東備城內。俟。至時。衆迴避。

皇后

妃嬪等由

隆恩門西門。進至明樓前。祇俟。禮部堂官奏請

上由

隆恩門東門。升正階東階。進

享殿東榻扇。陳設畢。暫止哀。讀祝官捧祭文。詣祝案

前正中。跪讀。

上跪。衆俱隨跪。讀祝畢。

大清會典卷八十八
上奠酒三爵。每奠一叩頭。

皇后

妃嬪等在明樓前俱隨行禮。諸王大臣侍衛官員等。於各排立處俱隨行禮。禮畢。撤祭案。讀祝官恭捧祭文。禮部大臣前導。由中門出。奉安燎位。承奠大臣奠酒三爵。每奠一叩頭。諸王以下官員以上隨行禮。舉哀畢。各退。

陵上常祭儀

崇德間定。

興京陵。歲除日。清明日。遣守

陵官行禮致祭。用牛一。

東京陵。歲除日。清明日。遣宗室覺羅大臣行禮致祭。用

牛二。

福陵。歲除日。清明日。致祭。用牛一。羊二。忌辰。中元。

皇帝聖誕。上香燭。供酒果。俱遣大臣一員行禮。每月朔。望。致祭。牛一。上香燭。供酒果。無祝。帛。遣守

陵官行禮致祭。凡祭肉皆熟獻。○順治十年。議准。

興京陵。

東京陵。冬至。歲除。清明。祭。牛一。獻酒果。上香燭。焚帛。讀祝文。中元。十月朔。祭。羊一。獻酒果。上香燭。焚帛。

讀祝文。俱遣宗室覺羅大臣行禮致祭。祭肉皆生獻。每月朔望薦熟羊一。獻酒果。上香燭。遣守陵官行禮致祭。

福陵。

昭陵。冬至祭牛一。羊一。豕一。獻酒果。上香燭。焚帛。讀祝文。忌辰。清明。歲除。中元。十月朔。

皇帝聖誕。獻酒果。上香燭。無祝帛。遣

盛京官行禮致祭。○又議准。

興京陵。

東京陵。俱照

福陵

昭陵例致祭。其元旦祭祀俱停止。預於歲除日舉行。○

康熙二年。題准。

孝陵。每年以清明。中元。冬至。歲除。為四大祭。供獻行禮。

俱照

昭陵例行。○十五年。題准。每月朔望。奉祀官上香燭。行

三跪九叩頭禮。忌辰。及

聖節。行禮同。○又議准。

孝陵祭品內不用豕。

陵寢供獻。酌定用五十碟。永為定例。凡每年清明。中元。

冬至歲暮。

陵寢各遣官一員。宰牛羊。上香燭。供酒果。焚帛。讀文。致祭。遣官由宗人府具題。三月十八日

聖誕。

陵寢上香燭。供酒果。無祝帛。遣守

陵官致祭。

陵寢忌辰。行禮同。每月朔望。

陵寢各用羊一。果品十二色。上香燭。守

陵官行禮供獻。已上俱由太常寺具題。○四十五年。議

准。

陵上祭祀關係重大。嗣後守

陵郎中員外。凡遇出差採買。務必各留一員住衙門料理。

遣官行禮儀

大祭日。承祭官及各官。從右門入。至

陵前。於兩旁排立。贊引官贊就位。引至臺階下。各就拜位立。典儀贊執事官各司其事。贊引官導承祭官上西臺階。詣

殿內香案前立。贊跪。承祭官跪。司香官捧香盒跪於右。贊引官贊上香。承祭官接香向上拱舉。授左

旁司香官。三上香。畢。贊就位。承祭官退至拜位立。贊跪。叩。興。承祭官及各官俱行三跪九叩頭禮。典儀贊奠帛。行初獻禮。獻帛官在前。獻酒官在後。捧帛爵。依次由中門入。獻帛官獻訖。一跪三叩頭。由左門出。獻爵官二員立獻。不叩。由右門出。讀祝官由右門入。一跪三叩頭。捧祝版。由中門出。立於西旁。贊引官贊跪。承祭官及各官讀祝。祝官俱跪。典儀贊讀祝。讀祝官讀訖。捧祝版至神位前跪。安帛匣上。三叩頭。興。退至原位立。贊引官贊叩。興。承祭官及各官俱行三叩頭禮。興。典儀贊

行亞獻禮。捧爵官獻爵。如初獻儀。畢。典儀贊行終獻禮。捧爵官獻爵。如亞獻儀。畢。贊跪。叩。興。承祭官及各官俱行三跪九叩頭禮。興。典儀贊捧祝。帛。恭詣燎位。讀祝官獻帛官入殿內。各一跪三叩頭。捧起祝。帛。承祭官及各官俱退立西旁。祝前。帛後。由中道出。送至燎爐。承祭官及各官俱復位立。祝。帛。焚訖。贊禮官贊禮畢。各退。

永陵祝文

維

年歲次

月

日

孝孫嗣皇帝

謹遣

致祭於

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后曰。茲當新春。萬物茂育。清明節屆。敬薦時馨。尚
饗。

右清明

維

年歲次

月

日

孝孫嗣皇帝

謹遣

致祭於

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后曰。茲當孟秋。宜修時祭。謹薦苾芬。用申享祀。尚饗。

右中元

維 年歲次 月 日

孝孫嗣皇帝 謹遣 致祭於

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后曰。時當長至。萬類萌生。節序遷流。陽氣來復。仰瞻

啓運。祈錫洪庥。謹以牲醴庶品。用申祭奠。尚饗。

右冬至

維 年歲次 月 日

孝孫嗣皇帝 謹遣 致祭於

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后曰。氣序以周。歲將更始。用修時祭。敬薦馨香。尚

饗。

右歲暮

福陵祝文

維 年歲次 月 日

孝孫嗣皇帝 謹遣 致祭於

太祖承天廣運聖德神功肇紀立極仁孝睿武端毅弘
文定業高皇帝

孝慈昭憲敬順仁徽慶顯承天輔聖高皇后曰。茲當新
春。萬物茂育。清明節屆。敬薦時馨。尚

饗。

右清明

維 年歲次 月 日

孝孫嗣皇帝 謹遣 致祭於

太祖承天廣運聖德神功肇紀立極仁孝睿武端毅弘
文定業高皇帝

孝慈昭憲敬順仁徽慶顯承天輔聖高皇后曰。時當孟

秋。宜修時祭。謹以香燭牲帛醴果庶品。用申享祀。

尚

饗。

右中元

維 年歲次 月 日

孝孫嗣皇帝 謹遣 致祭於

太祖承天廣運聖德神功肇紀立極仁孝睿武端毅弘

饗。

右清明

維 年歲次 月 朔越 日

皇帝遣 致祭於

溫僖貴妃

慧妃

榮妃

平妃

良妃之靈日。序屬中元。秋露始降。感時展祭。用達馨

香。尚

饗。

右中元

維

年歲次

月

朔越

日

皇帝遣

致祭於

溫僖貴妃

慧妃

榮妃

平妃

良妃之靈曰。一陽始升。節屆長至。聿申時祀。庶克歆

承尚

春。萬物茂育。清明節屆。敬薦時馨。尚

饗。

右清明

維

年歲次

月

日

孝孫嗣皇帝

謹遣

致祭於

太宗應天興國弘德彰武寬溫仁聖睿孝敬敏隆道顯

功文皇帝

孝端正敬仁懿哲順莊敏輔天協聖文皇后曰。茲當孟

秋。宜修時祭。謹以香燭牲帛醴果庶品。用申享祀。

尚

饗食。

右中元

維

年歲次

月

日

孝孫嗣皇帝

謹遣

致祭於

太宗應天興國弘德彰武寬溫仁聖睿孝敬敏隆道顯
功文皇帝

孝端正敬仁懿哲順莊敏輔天協聖文皇后日。時當長

至。萬類萌生。節序遷流。陽氣來復。仰瞻

隆業。祈錫洪庥。謹以牲醴庶品。用申祭奠。尚

饗。

右冬至

維

年歲次

月

日

孝孫嗣皇帝

謹遣

致祭於

太宗應天興國弘德彰武寬溫仁聖睿孝敬敏隆道顯
功文皇帝

孝端正敬仁懿哲順莊敏輔天協聖文皇后日。氣序以

周。歲將更始。用修時祭。敬薦馨香。尚

饗。

右歲暮

昭西陵祝文

維 年歲次 月 日

孝孫嗣皇帝 謹遣 致祭於

孝莊仁宣誠憲恭懿至德翊天啟聖文皇后曰。時屆新春。萬物滋茂。維此清明。用申祭享。伏惟尚

饗。

右清明

維 年歲次 月 日

孝孫嗣皇帝 謹遣 致祭於

孝莊仁宣誠憲恭懿至德翊天啟聖文皇后曰。茲以新秋。因時致祭。謹修香燭牲帛酒果祭品敬獻。伏惟

尚

饗。

右中元

維 年歲次 月 日

孝孫嗣皇帝 謹遣 致祭於

孝莊仁宣誠憲恭懿至德翊天啟聖文皇后曰。時維長至。萬物含生。運應陽初。瞻望

寢園。祈求篤祐。今虔備牲酒庶品。用申祭告。伏惟尚

饗。

右冬至

維 年歲次 月 日

孝孫嗣皇帝 謹遣 致祭於

孝莊仁宣誠憲恭懿至德翊天啟聖文皇后日。時維歲暮。節屆履端。因時致祭。伏惟尚

饗。

右歲暮

孝陵祝文

維 年歲次 月 日

孝孫嗣皇帝 謹遣 致祭於

世祖體天隆運定統建極英睿欽文大德弘功至仁純

孝章皇帝

孝康慈和莊懿恭惠溫穆崇天育聖章皇后

孝獻莊和至德宣仁溫惠端敬皇后日。時屆新春。萬物

滋茂。維此清明。用申祭享。伏惟尚

饗。

右清明

維 年歲次 月 日

孝孫嗣皇帝 謹遣 致祭於

世祖體天隆運定統建極英睿欽文大德弘功至仁純

孝章皇帝

孝康慈和莊懿恭惠溫穆崇天育聖章皇后

孝獻莊和至德宣仁溫惠端敬皇后曰。茲以孟秋。因時

致祭。謹修香燭牲帛酒果祭品敬獻。伏惟尚

饗。

右中元

維 年歲次 月 日

孝孫嗣皇帝 謹遣 致祭於

世祖體天隆運定統建極英睿欽文大德弘功至仁純

孝章皇帝

孝康慈和莊懿恭惠溫穆崇天育聖章皇后

孝獻莊和至德宣仁溫惠端敬皇后曰。時維長至。萬類

含生。運應陽初。瞻望

昌瑞山陵。祈求篤祐。今虔備牲酒庶品。用申祭告。伏惟

尚

饗。

右冬至

維 年歲次 月 日

孝孫嗣皇帝 謹遣 致祭於

世祖體天隆運定統建極英睿欽文大德弘功至仁純

孝章皇帝

孝康慈和莊懿恭惠溫穆崇天育聖章皇后

孝獻莊和至德宣仁溫惠端敬皇后曰。時維歲暮。節屆履端。虔備庶品。因時致祭。伏惟尚

饗。

右歲暮

孝東陵祝文

維 年歲次 月 日

孝孫嗣皇帝 謹遣 致祭於

孝惠仁憲端懿慈淑純德順天翼聖章皇后曰。清明屆節。萬類用昌。敬薦馨香。聿申祭享。伏惟尚

饗。

右清明

維 年歲次 月 日

孝孫嗣皇帝 謹遣 致祭於

孝惠仁憲端懿慈淑純德順天翼聖章皇后曰。茲屆中

元。時修祭享。謹陳香燭牲帛酒果祭品敬獻。伏惟

尚

饗。

右中元

維 年歲次 月 日

孝孫嗣皇帝 謹遣 致祭於

孝惠仁憲端懿慈淑純德順天翼聖章皇后日。時惟長至。一陽始復。玉律迎和。遙望

寢園。永惟瞻慕。今虔備牲酒庶品。用申祭告。伏惟尚

饗。

右冬至

維 年歲次 月 日

孝孫嗣皇帝 謹遣 致祭於

孝惠仁憲端懿慈淑純德順天翼聖章皇后日。時維歲暮。節屆履端。虔備庶品。因時致祭。伏惟尚

饗。

右歲暮

景陵祝文

維 年歲次 月 日

孝子嗣皇帝 謹遣 致祭於

聖祖合天弘運文武睿哲恭儉寬裕孝敬誠信功德大

成仁皇帝

孝誠恭肅正惠安和儷天襄聖仁皇后

孝昭靜淑明惠正和欽天順聖仁皇后

孝懿溫誠端仁憲穆奉天佐聖仁皇后

孝恭宣惠溫肅定裕贊天承聖仁皇后曰。清明節屆。物
候頻遷。虔備庶品。因時致祭。伏惟尚

饗。

右清明

維大正元年歲次

月

孝子嗣皇帝

謹遣

致祭於

聖祖合天弘運文武睿哲恭儉寬裕孝敬誠信功德大

成仁皇帝

孝誠恭肅正惠安和儷天襄聖仁皇后

孝昭靜淑明惠正和欽天順聖仁皇后

孝懿溫誠端仁憲穆奉天佐聖仁皇后

孝恭宣惠溫肅定裕贊天承聖仁皇后曰。節屆中元。秋

氣始肅。用修時祭。特薦維馨。伏惟

昭格。尚

饗。

右中元

維大正元年歲次

月

孝子嗣皇帝

謹遣

致祭於

聖祖合天弘運文武睿哲恭儉寬裕孝敬誠信功德大

成仁皇帝

孝誠恭肅正惠安和儷天襄聖仁皇后

孝昭靜淑明惠正和欽天順聖仁皇后

孝懿溫誠端仁憲穆奉天佐聖仁皇后

孝恭宣惠溫肅定裕贊天承聖仁皇后日節屆陽初日

逢南至永懷

怙恃莫逮瞻依遙望

寢園肅陳俎豆伏惟

昭格鑒此馨香尚

饗

右冬至

維 年歲次 月 日

孝子嗣皇帝 謹遣 致祭於

聖祖合天弘運文武睿哲恭儉寬裕孝敬誠信功德大

成仁皇帝

孝誠恭肅正惠安和儷天襄聖仁皇后

孝昭靜淑明惠正和欽天順聖仁皇后

孝懿溫誠端仁憲穆奉天佐聖仁皇后

孝恭宣惠溫肅定裕贊天承聖仁皇后日時維歲暮節

屆履端虔備庶品因時致祭伏惟尚

饗

右歲暮

妃園寢祭文

維

年歲次

月

朔越

日

皇帝遣

致祭於

溫僖貴妃

慧妃

榮妃

平妃

良妃之靈曰。陽和應候。節屆清明。爰薦苾芬。庶其來格。尚

文定業高皇帝

孝慈昭憲敬順仁徽慶顯承天輔聖高皇后曰。時當長

至。萬類萌生。節序遷流。陽氣來復。仰瞻

天柱。祈錫洪庥。謹以牲醴庶品。用申祭奠。尚

饗。

右冬至

維

年歲次

月

日

孝孫嗣皇帝

謹遣

致祭於

太祖承天廣運聖德神功肇紀立極仁孝睿武端毅弘
文定業高皇帝

孝慈昭憲敬順仁徽慶顯承天輔聖高皇后曰。氣序以周。歲將更始。用修時祭。敬薦馨香。尚饗。

右歲暮

昭陵祝文

維 年歲次 月 日

孝孫嗣皇帝 謹遣 致祭於

太宗應天興國弘德彰武寬溫仁聖睿孝敬敏隆道顯功文皇帝

孝端正敬仁懿哲順莊敏輔天協聖文皇后曰。茲當新

饗。

右冬至

維 年歲次 月 朔越 日

皇帝遣 致祭於

溫僖貴妃

慧妃

榮妃

平妃

良妃之靈曰。時當餞臘。節序將新。芬苾載陳。庶幾歆

格。尚

饗。

右歲暮

忌辰

陵寢致祭

順治十二年定。凡遇忌辰。遣官三員。於

陵上供酒果。上香燭致祭。或遣在京官前往。或遣

盛京官致祭。具題請

旨。○康熙十五年定。忌辰祭

陵。俱令奉祀官行三跪九叩頭禮。○三十六年。

諭。

暫安奉殿。非係山陵。地方既近。嗣後凡忌辰致祭。著照

所定四時大祭禮行。○雍正四年。

諭曰。

皇考聖祖仁皇帝三年大禮已滿。朕追念罔極深恩。欲於

皇考忌辰。每歲遵照三年內祭禮舉行。朕終身永慕。豈三年禮制所能限。况億萬臣民感戴

皇考深仁厚澤。自古帝王罕能比並。一切禮儀亦非定制所得拘也。朕舉行此禮。自展思慕誠切之衷。至與舊制合否。皆不遑計。此禮亦惟朕躬特行於我皇考。後世子孫不必奉為成例。應行禮儀。該部議奏。遵旨議准。每年

聖祖仁皇帝忌辰。照週年祭祀例。其內務府。禮部。工部。太常寺。光祿寺。及有執事各該衙門。先期奏請派遣堂官前往。屆期於在京王公大臣內。或

陵寢王公大臣內。恭候

欽點一員主祭。永遠遵行。○是年。


孝恭仁皇后忌辰。遣

皇子詣

陵讀文致祭行禮。

大清會典卷之八十八

三



大清會典卷之八十八

文政三



